

# L'Abbrivù

Tanti seculi suprani ci anu amparatu l'amore  
E a forza di u core trà u sguardu di tant'anni  
Tanti populi maiò anu bramatu e terre  
Di un populu sinceru tutta a fede di li mei  
Tanta ghjente innamorata di a terra sfortunata  
M'anu datu a passione u sapè a tradizione  
Ma stu tempu di a storia hè stampatu ind'a memoria  
Quella d'ogni antinatu sintinella di u passatu

Eu sò u soffiu novu  
Chi innalza la bandera  
Chi rinvivisce a terra  
L'abbrivù di u rinnovu

Sò a fiamma lucente  
Di e valore spente  
Per fà rinasce a celente  
Ind'i core di a ghjente

Sò u lume cummuni  
Accatizzatu da l'olmu  
A speranza d'esse unu  
U sognu d'esse omu

Sò a spannata in celu  
Di e vite sbucciate  
Chi dà curagiu à quellu  
Chi piglia strade dannate

Tanti seculi suprani ci anu amparatu l'amore  
E a forza di u core trà u sguardu di tant'anni